



《續修四庫全書》編纂委員會編

續修四庫全書

上海古籍出版社

一一六七・子部・雜家類

石田翁客座新聞十一卷〔明〕沈周撰……………一

震澤紀聞二卷〔明〕王鏊撰續震澤紀聞一卷〔明〕王禹聲撰……………四六七

立齋閑錄四卷〔明〕宋端儀撰……………五三五

青溪暇筆二卷〔明〕姚福撰……………六三七

皇明紀略一卷〔明〕皇甫錄撰……………六五七

一一六七子部雜家類第一

據北京圖書館藏清抄
本影印原書版框高一九
四毫米寬二七四毫米

石田翁客座新聞

〔明〕沈周撰

石田翁客座新聞目錄

卷第一

徐子虛為仙寄書

淮安學生夢驗

術士濟過

施膚菴謝世

周文襄公知過

義僕

大臣諭宦者

王文端公知人

鷄鳴枕

王公度薦韓永熙

雷擊逆子

歌兒應友

徐信友誼

塾師先見

建陵公獲龜

開平王知過

紅中之兆

朱允升清忠

老姬馭勝

擲工術驗

周莊懿公無冤獄

孔韶文擊賊安民

歐總兵計擒黃鑑誠

李貞伯為神

衡嶽松檜之盛

臺臣善對

陸孟昭好客

夏友諒詩識

史員外確論

石田翁客座新聞卷第一



徐子虛為仙寄書

正統間密雲徐子虛客於閩將還忽一道流
過旅邸揖謂徐君曰子非密雲徐子虛乎余
久游閩浙幾十年不歸故山君鄉人也欲附
一書到家故瀆君耳徐曰但言居止姓氏附
與何人道曰吾家縣之西門去九里有一山
北隔澗籬門便是即以書貯櫝封函甚密遞
與子虛復曰吾門久閉君至即以櫝叩之即

啓囑罷再揖而去徐歸蹤跡其所見其處有
嘉禾蔭翳靈鳥和鳴風物如畫竹籬衡門深
閉疑若異境子虛如言以附櫝扣之有童子
啟門徐言其故童子延入內廳見一龐眉老
師出迓聲問啟居童子捧茗出供杯中有棗
二枚徐食其一味更嘉美因懷其一既而歸
視所懷棗則失矣子虛疑其為仙家翌日復
往惟煙草滿前籬門澗水更無覓矣子虛悵
然而返

淮安學生夢驗

淮安府學生楊淮魏璽同門友善成化甲午
秋試應天未入院前二日祈夢於京城隍廟
是夜淮夢所臥床下有二磬相沓璽夢一姬
遺數珠一串復夢入應天府見設宴無一人
在者續見廳柱懸一牌書徹饌二字一官隨
出覺後思之無得入試三場畢二生恐不利
先搬往江口待報因囑邸主曰若有好音願
求見報既而二人名皆在列邸主走江口報

捷時淮有事先歸惟璽赴宴名在一百八已
合夢中數珠事矣及入府遲已徹席府丞即
移他席與之其符所夢如是淮之夢無徵數
年後任四川重慶府同知所夢二磬亦驗矣
則人之出處自有數云

術士濟過

太祖登極時微行見一家娶婦設筵因入其
家主人見帝高年延入上座因謂主人者曰
今日何人所擇適術者在座主人荅謂其人

擇也 太祖曰今日犯十惡汝謂吉何也術者荅曰固然但紫微星臨中宮諸煞不忌宴畢皆散去 太祖問臺官昨日十惡大敗如何有做親上官者臺官奏云甚不宜 太祖怒杖之革其官遣去召昨術士代之復優給甚厚當時驚異焉

施膚菴謝世

吾郡施膚菴太守下世余聞訃悼嘆曰善人凋謝漸矣却死得不好了有坐客應云昨日

在城聞一無賴暴死衆云死得好余曰何亮人之死言好而善人之死不好耶蓋善者存則好死者不好不善者存為不好死為好相反之辭也

周文襄公知遇

周文襄公忱永樂甲申進士時詔選進士二十八人為庶吉士入翰林肄業以應二十八宿也文襄不得與因陳年少願進學乞居二十八人之末上覽奏因曰有志之士也

從之居翰林十年一日援例俱除刑部主事
復取入翰林修永樂大典書成陞本部員外
郎宣德初改越府長史在藩邸五年適在位
三載賜贈二代錄用其子自陳休致又聞其
兩為法司吏事精詳僚屬推服人之出處不
可逆料也

義僕

范信者崑山龔泰雲亨家奴也泰家不造食
指衆而日不能給乃鬻信及其妻子于常州夏

雉瀆某家數年不通音問正德初泰貧益甚
無所倚歸一日適經其所信遇于途見故主
泣拜地下懇迨至新主家謂新主曰此信故
主今流落在此信心不忍欲望容留信夫嬭
願不惜早暮傭力報主以圖供養故主新主
義之听允其請時俟農事稍闌即買肩小販
往來村落中市賣以給迨今不衰嗚呼信一
奴耳為主轉賣其身尤忘々不忘其見義何
惜哉書以表之以愧人臣食君之祿不顧禮